

Visoki predstavnik se susreo sa delegacijom United World Colleges i razgovarao o uvjetima za školovanje u BiH

Visoki predstavnik, Wolfgang Petritsch se danas susreo sa delegacijom United World Colleges- *Ujedinjeni koledži svijeta* (UWC), organizacijom čije je sjedište u Velikoj Britaniji, a koja rukovodi školama širom svijeta. UWC je predložio otvaranje međunarodnog i rezidentnog koledža u Sarajevu. Škola će biti potpuno akreditirani član UWC pokreta.

Sadašnji raspored, koji je UWC napravio, predviđa otvaranje škole u septembru 2003. godine. Visoki predstavnik je izrazio nadu da će donatori izaći u susret i dati podršku ovom konkretnom i vrijednom projektu.

Prilikom sastanka sa delegacijom UWC visoki predstavnik se osvrnuo na trenutnu situaciju u obrazovnom sistemu BiH i njegovom restrukturiranju. Primijetio je da, iako je tokom proteklih godina načinjen suštinski napredak u mnogim drugim oblastima u BiH, napredak u oblasti obrazovanja je bio nedovoljan, uprkos činjenici da je od suštinskog značaja za održivu budućnost zemlje. " Zbog toga sam duboko frustriran što objašnjava i činjenicu da sam odlučio da podržim ovu izvanrednu inicijativu Ujedinjenih koledža svijeta koja je danas prezentirana," rekao je.

Nepostojanje odlučnog napretka u polju obrazovanja kao rezultat prevelike politizacije i nedostatak vizije predstavljali su glavnu prepreku da se mladim ljudima u BiH pruži ona vrsta obrazovanja na koju imaju pravo, rekao je visoki predstavnik. Usvajanje zajedničke programske jezgre koja poštuje prava i potrebe svih studenata, mora

predstavljati nacionalni prioritet.

Visoki predstavnik je apelirao na ministre, rektore, profesore, studente i roditelje da rade zajedno kako bi uklonili sve političke, pravne i administrativne prepreke razvoju efikasnog, održivog i modernog obrazovnog sistema u BiH. "Ovih godina sam mnogo puta ponovio da održiv ekonomski razvitak može biti zasnovan samo na odgovarajuće obučenoj i obrazovanoj radnoj snagi," rekao je visoki predstavnik.